

T I L L A G A

að starfsreglum um breyting á starfsreglum um
skipulag kirkjunnar í héraði nr. 1026/2007 (sameining sókna og prestakalla)
(Lagt fyrir 53. kirkjuþing 2016).

Flutt af biskupi Íslands
Frsm. Agnes M. Sigurðardóttir

1. gr.

12. gr. starfsreglnanna breytist svo:

Reykjavíkurprófastsdæmi eystra

Fellasókn og Hólabrekkusókn, Reykjavíkurprófastsdæmi eystra, sameinist.

Nafn sóknarinnar verður Fella- og Hólasókn.

Fellaprestakall og Hólabrekkuprestakall sameinast í eitt prestakall, Fella- og Hólaprestakall.

Vestfjarðaprófastsdæmi

Gufudalssókn og Reykhólasókn sameinist.

Nafn sóknarinnar verður Gufudals- og Reykhólasókn.

2. gr.

Starfsreglur þessar sem settar eru með heimild í 59. gr. laga um stöðu, stjórn og starfshætti
þjóðkirkjunnar nr. 78/1997 öðlast gildi 30. nóvember 2016.

Athugasemdir með tillögu þessari.

Á aðalsafnaðarfundum Fellasóknar og Hólabrekkusóknar, sem haldnir voru þann 10. maí
2016, samþykktu báðir fundirnir að sameina sóknirnar í eina sókn, er nefnist Fella- og
Hólasókn. Enn fremur að Fellaprestakall og Hólabrekkuprestakall sameinist í eitt prestakall,
Fella- og Hólaprestakall.

Söfnuðirnir hafa sameinast um rekstur einnar kirkju um árabíl, Fella- og Hólakirkju og verður
hún því sóknarkirkja hinnar sameinuðu sóknar.

Héraðsfundur Reykjavíkurprófastsdæmis eystra, sem haldinn var þann 25. maí 2016,
samþykkti samhljóða framangreinda tillögu um sameiningu sóknanna og prestakallanna.

Núverandi sóknarprestur Hólabrekkuprestakalls verður sóknarprestur hins sameinaða
prestakalls. Verði tillagan samþykkt verður í framhaldi af því auglýst embætti prests í 100%
starfshlutfalli þannig að prestsþjónusta skerðist ekkert við sameininguna.

Sameining Gufudalssóknar og Reykhólasóknar var fyrst tekin fyrir á héraðsfundi á Hólmavík
þann 15. apríl 2012. Héraðsfundur samþykkti á þeim fundi einróma þá tillögu. Ástæða þess
að ekki varð af sameiningunni í kjölfar þessarar samþykktar var sú að bókhald
Gufudalssóknar lá ekki fyrir. Nú liggur hins vegar bókhaldið fyrir.

Sameining Gufudalssóknar og Reykhólasóknar var aftur tekin fyrir á héraðsfundi, sem haldinn var á Hólmavík í september sl. Þar var bókað og samþykkt: Héraðsfundur Vestfjarðaprófastsdæmis haldinn á Hólmavík 18. september 2016 ítrekar fyrri samþykkt sína um sameiningu Gufudalssóknar og Reykhólasóknar í eina sókn. Fundurinn hvetur biskupafund til að leggja fram slíka sameiningartillögu á næsta kirkjuþingi.

Báðar tillögurnar fela í sér fjárhagslegt hagræði og einföldun og enginn kostnaður fylgir samþykkt þeirra að mati flutningsmanna. Kostnaðarumsögn er því ekki með málinu.